

Publico bou hechizo di Lorelei Acto di Apertura impactante na Museo Arqueologico



no a imagina cu nan lo haya un treat asina placentero di un mainta yena di sorpresa.

Esnan cu tabata presente trempa na apertura di exposicion nobo di Museo Arqueologico a disfruta di un 'jamsession' spontaneo di e musiconan cu a crea un esfera alegre y ameno. Sheelah Arends y Joshua Calderon, miembronan di e Brigada Hubenil di Museo a continua e ambiente artistico declamando un poesia di drs. Raymundo Dijkhoff, cual a resona den publico manera un cayon di cielo. Bou guia di Angelo Angela, brigada hubenil di Museo Arqueologico, Stacy-Ann y Annmarie Trappenberg, Christel Lee, Sheelah Arends, Jerylane Faro, Maria Moran Gonzalez, Alondra Vargas, Adeline Maduro, Joshua Calderon y Rigoberto Bergrok, conhunto cu Melisa Richardson como Lorelei, a realisa un presentacion surrealistico. Presenta riba musica en bibo, treci pa un formacion musical forma special pa e ocasion aki, Ryan Maduro cu guitarra clasico, percusionista Jaïr Britten, comotambe boluntario di Museo, guitarista Efraim Suurendonk,

bahista Adalberto Vrolijk, cantante clasico Denize Geerman y cantante Amy Richards a provee un mescla interesante di cantica clasico, gothic-rock y jazz. E inspiracion pa e ambiente musical e mainta aki tabata e leyenda Aleman di 'Lorelei' y cu areglo special di Ryan Maduro.

E leyenda di Lorelei a inspira poetanan, compositoran clasico, como diferente cantante y banda musical di tur tipo di musica rond mundo como tambe opera y ta uno hopi conoci y popular na Alemania y tin hopi variacion riba e storia den otro parti di mundo tambe. E leyenda ta conta con Lorelei, delirio cu tristeza pa su amor cu a bay lag'e pa lama ta tuma venganza riba tur barco y tripulante door di naufraga nan. E historia di 'Hero', e brik Aleman cu a naufraga dilanti costa noreste di Aruba na 1886 durante un horcan, a haya un dimension nobo diadomingo ultimo na Museo ora Lorelei a persigui 'Hero' te na Aruba y a lok e barco cu su tripulacion den un tempestad cu olanan bruto y a naufraga nan. Publico encanta a disfruta di un presentacion sublime.

Diadomingo dia 16 di September pa 10'or di mainta a presenta un publico diverso na

Museo Arqueologico, yena di expectativa pa un exposicion nobo di Museo Arqueologico.

Publico presente pa e parti oficial di e diadomingo di famia extraordinario aki na Museo,